

經部

通政使司副使臣莫瞻亲覆勘

校對官修撰臣具錫於

腾録監生 高伯楊

總校官降調編修日倉聖歌

土書經部

周易正書别集卷十四

火江 日下 合いう 諸儒 一字何等尊貴曾子之明字何等確切子思之 府曾思孟日月也諸儒星也武以學庸两書 · 論孟子之浩字何等擴 周易函書别集 **广當自豁然** 部侍郎胡煦撰

為準的然孔之美富猶天之不可陷而升矣曾之切實 之集義養浩四端充擴之語近而易求孟子曰人皆可 叔之矣後儒之論說有能如五子之親切著明愚雖不 以為堯舜期許不嫌太髙致功必先有據吾竊有以私 猶覺太簡思之深邃猶覺高華可以身體力行者惟孟 集且學孔子時習之悅學聖人之學固當以孔顏思孟 顏子之樂不易到且學孟子集義之慊孟子之義不易 · 高以解香奉之

我知四月 全書

達亦能使問易之實理不大顧露至其有取於楊子則非 也故於經文未有註釋或亦有不足者存乎至其發明 荀子性惡之說憤詞也欲其勤學以修禮立政歸諸聖 能見到活潑潑地比豈中人以下所可能乎至其詮釋 張子天分極髙但取資於六經而有無隱顯交關處實 往來二字亦有訛誤後人引之以為註釋學者泥而不 てにヨー 經書或亦有未當者存然而長處不可掩也 **丁之易益亦極精極微矣然皆圖象中領悟得來者** 周易函書列集

百年不一見即如陸王亦可為聰明卓絕者矣乃今之 胸中絕無確實把柄要亦信耳者也夫學聖學者當數 潤論褒眼古人建徵諸實見不過然人所然否人所否 後人讀書知有功名已耳及語以聖人之學則又高談 曾即二子之論而考 其實也 陸子天分極高見地極超後人信耳避朱而貶陸皆未 人之參贊耳去揚子偽學達矣恐以氣質言性者反不 到为四居在書 免有純駁之辨

漢儒至董子而聖學始倡即道之大原出於天一 但當辨别精粗各存其是而可耳 **有某者是某者非即此处争之心便非孔聖及門所有** 明沉潜雨不相能亦易辨矣必務争之曰某者勝其者 數人同生春秋時要皆宮墙中人未易軒輕者也夫高 者也豈陸王之不子若乎何不揣之甚也須知朱程陸 學者滿之其溝陸王者又皆急功名趨勢利但學時文 王悉皆孔孟之徒特其姿性有高明沉潜之别耳設此 引しり、当時りた 一語其

董子曰道者所由以適於治之路也仁義禮樂皆其具 儒之始而董子於羣言惑亂之時獨倡為天人合一之 官寓目也恐未能盡悉董子之意也然而周子固開宋 天人三策而論之至於繁露未有輕置一語者豈其未 創之難不似後儒共和之易也今之議董子者大約據 及繁露一書儘有極精極微非後儒所能及者竊憶獨 原本出於中庸而宋儒遵之悉莫能外今觀天人三策 說董子之功偉矣哉

銀定匹庫全書

而貴精陽道無端而貴神 欲致精者必虚静其形欲 董子擇語 天積泉精以自剛理人積泉賢以自強天 領盡在繁露一書 其道不計其功此皆扶持正學極有見地者也然其本 也又可設誠於内而致行之又曰正其誼不謀其利明 致賢者必果謹其身 我不自正雖能正人弗予為義 亭日月星展以自光 聖人序 爵禄以自明 人不被其澤雖厚自爱不予為仁 孝子之行忠臣之 陰道尚形

南見到書列作

而後刑 金丘四库全書 超避之道在精用之而性命之道在大用之而位育之 揚子好奇而妄作者耳徒以奇字奇解感亂天下所以 卦起中字畢竟非天根月窟之正理自其依傍周易另 道在乎太玄亦言吉凶畢竟是不可試驗之吉凶即其 所好君無以權也民無所惡君無以畏也 有太玄之作究其實際全無用處豈知周易小用之而 匿病者不得良醫蓋問者聖人去之 民無 刑反德而順於德 卷十三 天顯經隱權前德

索然無味然論語之中有克復之仁有一貫之道而彼 玄之擬易中說之擬論語擬其辭之似耳衙以大道則 作也 之徒也太玄亂易甚於楊墨學孔孟之學者宜何如擯 得而辨也楊墨充塞仁義孟子曰能言距楊墨者聖人 外不容更有周易非以周易大中至正之道衡之不可 不合皆人人擅作者之場矣豈知天下無二道周易之 種法套出來遂使後來好名之士不顧道理之合 司易函轉列集

聖學至唐亦已微矣韓子之原性原道雖未盡醇然而 無義雖未能盡合而略例一書則周易之大意已在其 馬融王通鄭康成虞仲翔荀慈明皆傳經者也王肅之 参四子書而已足矣 矯矯錚錚固亦未可誣也 何有乎徒見其不知量耳學者欲明至道詳味六經熟 益見其概而未見其精也 司馬公

金定四月全書

人民日下 八十 生繼之疏三上帝感悟曰送中書先生見韓公等曰諸 羅先生教學者靜坐中看喜怒哀樂之未發作何氣象 天下真敢違皆拱手曰敢不盡力於是遂立英宗為皇 公不及今議定異日禁中夜半出寸紙以某人為嗣則 子典按此皆預養於宫中者也其非預養者當又不同後 仁宗國嗣未立人莫敢言諫官范鎮首發其議司馬先 (援以為興獻王之例未當 羅從彦 周易函書引集

學謝上蔡亦言多着静不妨此說終是小偏才偏便做 延平李先生曰若說静處有而動處無則非矣 說敬則已在心之發處了 擾時何能體到精微其敬字則動與静之工夫也但只 病道理自有動時自有静時照按關静字非也人到紛 李延平 、静於未始有動之先而性之静可見矣求

金がりにんるる

朱子曰羅先生說終恐做病如明道亦說静坐可以為

卷十三

若見於用不知果如何恐當絕勝諸家也則按康節之 書有用而季通之書果何所用也 朱子曰康節之書固自甚好而季通推得來又甚鎮客 水而已明鏡無塵止水不波心體之静似之 之先而性之善可見矣 所謂未發以前氣象亦止要見得本體湛然如明鏡止 於未始有偽之先而性之真可見矣求善於未始有惡 菸季通 引りいりますりまい

心法也照按書序皆不可易之至論 中堯舜禹相授之心法也建中建極商湯文武相傳之 道本於心得其心則治與道可得而言矣何者精一執 氏之言乎 易而言數學已非周易本白至於洪範而為數學抑誰 整着欲為書傳未及為遂以屬先生洪範數學久失其 傳季通獨心得之然未及論著曰成吾書沉也照按在 九峯先生序書曰二帝三王之治本於道二帝三王之

理也 此皆易理也皆由陰陽既合而生非範數孤陽獨行 又曰有理斯有氣有氣斯有形形生氣化而生生之理 又曰順數則知物之所始逆數則知物之所終照按順 無窮馬天地網編萬物化醇男女構精萬物化生煎按 然則易無數子何其悖也 說倒了仍是邵子之說 以體天地之撰者易之象紀天地之撰者範

110.00

言君子體仁四句動乎静乎又按周子主静朱子主敬 金定四庫全書 也固曰天之所賦於我者虚靈不昧既曰虚靈可知匪 靈不虚匪虚不靈矣今要將一箇敬字就中填實必無 也仁也太極之用以行照按亦不宜分說動静乾之文 薛敬軒曰静虚者正也義也太極之體以立動直者中 以存虚靈之體是已着在用邊成動而不静者矣夫 竊意敬字說在静時亦不能無弊何也朱子之註明德 薛敬軒


彼虚靈不昧者昌在乎大本之不存奚為而有達道固 不能如未發之中虚靈不昧耳今將一敬字憑空填實 在中庸說出戒慎不親恐懼不聞亦是懼親聞之攙和 於執事乃始言敬非在作用過乎其於仲号固曰出門 倚傾也身也而非心也彼清虚之在中者固自若也至 子之言敬固皆說在有事一邊者也其樊遲問仁則曰 如見大賓使民如承大祭夫出門使民非作用邊平即 居處恭執事敬矣夫居處之恭是專欲此身之無偏邪 引力国時刊長

秘定匹库全書 形而言煦按此竟視孔子所言之太極為有形者矣若 無弊也 知主敬之說不若主靜立人極之說為足亘千百世而 又曰孔子言太極是指理言周子言無極是指此理無 用作太極之註脚可也亦不宜加於太極之上 說無極二字只是發明太極中無聲無臭之妙如此則 胡敬齊曰工夫寧下而勿高寧沉而勿浮貴博而不贵 胡敬蘇

欲息思慮便是不息思慮有意於坐忘即是坐弛敬則 行而言則曰道以至極而言則曰極以不雜而言則曰 此以言太極方是真太極切不可竟作圖看又曰以通 所極謂至極理之別名也太者太無以加之謂照謂如 曹月川曰周子所謂無極而太極者益謂無形象無方 雜貴精而不貴懸又曰敬該動静無內外又曰程子曰 自無此患 曹月川

523 Si

司易函書列集



陽明曰無善無惡者心之體有善有惡者意之動知善 艷稱之不知此四言大有語病夫以無善無惡而言心 知惡是良知為善去惡是格物一時學者心儀口誦而

體仍是周子無極之說恐與頑空何異孔子釋乾之四

德皆属天道一邊事其子元之既亨而利自也便日各

正性命保合太和既有保合之太和有乎無乎不待辨

善無惡者欲其心之虚耳以此為心之體則大非也故 乎無乎不待辨而明矣或以太和指氣而言夫氣固未 之充也貞曰事幹猶云作事之主腦皆未發之義也有 善亨曰嘉會嘉美也亦美其善也利曰和義和即太和 以云云足以而仍未發則其所為可知矣其言元曰長 而明矣文言首两節全言性之未發故次節曰足以足 有離理者也只緣為學之初外襲之念不能不雜故無 以為無惡猶可無無善而言失性善之旨則斷斷乎不 引しり、出ますり上

惡也是有知有識之後由耳間目見而入藏匿於中而 本太極而言其所發則不得不以兩歧之說求合乎除 儒於吉之先見一語添出凶字遂至贻悮後人此皆未 周子幾善惡一語此緣周子未明幾字之妙又誤信漢 漸次發生者也今觀一月二月之嬰孩便知親母彼其 明幾字之妙也夫幾者動之微也非兩歧之名也周子 意中亦有何念可以惡言乎其必無善惡而言意始於 可其曰有善有惡者意之動亦大非也夫意之動而有 發而皆中動於天也孟子之惻隱羞惡辭讓是非皆於 陽之義然周子已知此處善惡二字原有語病故於後 雜以內字非無故也益本天而動則全是太和赤子之 善而出有何惡之可言故孔子止言吉之先見而不復 不可以言幾不知幾者止是動之微耳太和之發由長 剛柔又於剛柔之中而別為善惡則已在四象之列而 面補說剛柔二義謂剛有善惡柔有善惡也然既別為 良知可微也孔子曰體仁足以長人體此天也子思曰

戒慎不親恐懼不聞防之於未親未聞之先懼泥沙之 擔和清源未緑之汗染素質也孟子曰非由外鐵益誠 禮勿聽防之於將親將聞之際子思之作中庸也亦曰 端倪呈露處言意之方動遂確乎以為性善云耳此際 口發而中節發即意之動也發而有惡矣猶可以中節 知外錄不必盡善也安得謂意之動而便有惡乎子思 目見緣感而入者故孔子之教顏淵也曰非禮勿視非 又安得有惡之可言而以為有也夫動而有惡皆耳閒

郵定匹庫全書

陽明之語属員也曰緣此數病良知之所本無以因良 本然之天無善則亦可云復於無善乎至以良知說在 皆有者也此陽明之卓識也 知是赤子之知審別物類分辨好醜雖至愚極陋莫不 學之知乃極致之知是由格物而得之者也陽明之良 格物之先似與大學先致知後格物不相類矣不知大 若說意動便有惡則顏子之復亦可云復於惡乎若說 言乎顏子不遠之復復謂本然之天遠謂後來之雜也 りりららりま

子也罷官後反身實証始悟造化生生之幾不随念慮 起城其論性曰孟子性善之說决不可易使性中本無 陽明之傳唯王時槐最得聖道之精時槐劉文敏之弟 之動而有惡可知非確論矣 襲子抑中本 有者乎如知非中本有則不辨自明而意 知昏昧被塞而後有若良知一提醒時即如白日一出 **魍魎自消此語便是性善確証試問昏昧 厳塞者外之** 仁義惻隱羞惡何從而生且人應事接物如是則安不

銀好匹库全書

許至 しょうしき からう 周子發周易之 明者之鮮也 故凡不知性善之說者即皆不敢以為知道 如是則不安非善而何照按此則知時槐之見地確矣 孔子之門親得聖人以為之師而得聞一 人陽明生數千年之後而得聞一貫者也宜乎知陽 遠亦陽明之傳也其言曰以性無不善故知無不 2精開宋儒之始較朱子之集成者難矣 周易函書別集 貫者僅曾 古四

能無誤 經綸參贊皆分內事不徒作自了漢也孔子之棲棲孟 此至其作用恐不逮陽明遠甚夫聖人之學明體達用 陳白沙於慎自持與朱子相似大約閩廣學者多是如 後不達周易而漫言性理者皆學也而非道也然亦不 子之皇皇皆是如此若白沙者自治則有餘者矣 元之學者人多美静修而薄魯齊是未察孔子之於春 而無極一圖實有以發太極之秘傳聖道之精自是以

金近四月全書

卷十三

していること といろ 心孔子之於老子猶適周問禮馬不聞有海之聞之之 其差别在甚處短長在甚處然後持論始可以服人之 響耳佛老固有差别陸王固有短長然必盡觀其書知 為褒貶是猶隔紙總而覩人形自謂已確不知止屬影 理賢之學自命負馬所往而不可 秋為何如時也不遇盤根錯節不足以别利器人果以 不盡閱各家之書盡得各家之意旨報聞人之所聞恣 語周子之太極邵子之理數傳授之者始於希夷希 周易五書列集

乃不消於後儒之心竊虞其量狭而多忌矣亦胡不思 夷固老氏之亞也不聞并太極理數之說而俱非也顧 其精也粹也而汉之粗也惡也而屏之乎擇術而進随 之甚耶天覆於上地載於下六合之內何所不容豈以 人之材分然廣博之物非廣博之器則承受難矣 **乾坤者陰陽之物也卦爻不離陰陽故卦爻不離時** 位乾以神用流行而不息故聖人法之以徵時坤以 朱陸陰陽形器之辨

金丘匹库全書

卷十三

亨動之靈機凡氣之流行不息體之一定不移非是 莫為之军是固方出於太極全具太極之神能物物 形用有定而不移故聖人體之以徵位陰陽者太極 幾之中添一神字便為其能不物於物也張子曰神 者太虚妙應之目便是說在靈動一過非太極渾淪 之時矣朱子執為形器則是有形有體之物乃得具 而不物於物者也周子之誠太極也幾两儀也於誠 一兩儀而流行之氣徵於天運運於無形者皆不得 引力らいりま

郵定匹库全書 其所以一陰而一陽者則道體之所為也 陰陽為形而上者哉正所以見一陰 道象山口一陰一陽已是形而上者朱子答曰大傳既 朱子曰大傳曰形而上者謂之道又曰一陰一陽之謂 云形而上者謂之道又曰一陰一陽之謂道此豈真以 無有之矣今取朱陸往來之書以辨証於左 而有之矣陸子辨之取始終晦明奇偶上下剪即之 屬皆無形之陰陽而時之與位形之與神乾之與坤 一陽雖屬形器然

從太極之動處說起孔子之言道也既說出一字便 是太極而又必說到背便是此一之流行處道也者 太極之大用者也太極者主宰之陰陽陰陽者運行 照按太極陰陽非有二也陰陽即太極之既動能亨 因太極之精功天命之蘊含非可言說故多說在大 為達道大本則性也而非道也周易本言性道之書 天命之大用充塞昭著於天地間者也故子思遂稱 之太極也特因太極無形主宰於中不可言說故第 引り日本引

松定四庫全書 用一邊如先天圖之兩儀文王之乾坤周公之九六 見流行之會特未至成形成器耳若形器已成則形 者謂之器中庸之言性也雖從大本說到天命畢竟 器也而非道也器則有質在重濁一邊故曰形而下 用邊形字說在跡象一邊皆太極之動一元之亨著 之所從來俱從而置之非圖可畫非言可說也既曰 孔子之分而為二以象兩皆是從陰陽說起而陰陽 一陰一陽之謂道又曰形而上者謂之道道字說在 表十三 十三

大子の日子と自己 由太極而來原在兩儀之地此後所成之四象八卦 陽為道之本義并非一以貫之之白矣豈知陰陽方 陰陽為用陰陽與道打成兩截不唯非夫子一陰一 陽可指故止說在道字一邊而又以為 形上之事也 猶不可以形器論况陰陽乎益陰陽方出於太極派 今日所以一陰一陽則道體之所為是將道字為本 而止耳以所性之中非陰陽之所可言也今既有陰 未發之時無可言說故但指其位而証之謂為中馬 周易函書別集

金与せた人工 立天之道曰陰與陽 象山復之曰始終晦明奇偶之屬何適而非陰陽是以 陸子引天道二語最確益天道但有陰陽可言非有 形器者也今顧以一陰一陽為非道而直謂為形器 行於形器之中無體而有用故直以為道也道也者 為昧於道器之分則孔子一陰一陽之謂道此語非 非形器可得而拘故又曰形而下者斯謂之器也 子朱之顯背於孔莫此為甚第証以孔子之言可矣

欠このし 朱子答曰若以陰陽為形而上者則形而下者復是何 體而初非有兩觀陸子所用四十字如先後始終動 之陰陽則陰陽之分位斷可識矣 裏隱顯向背順逆存亡得喪出入行藏皆無形無器 静晦明上下進退往來監開盈虚消長尊甲貴賤表 總由認陰陽為形器而不知陰陽全是太極方出之 大用全以神行故能無無形之氣有形之器胥能合 という 周易函書别集 九

金りに見る言 凡有形有象者皆器也其所以為是器之理者皆道也 凡有形器者皆物也非陰陽也陰陽特具於其中耳 **益形上形下二形字雖皆陰陽之所形而形則不同** 為器此形字亦在動用顯著一邊亦不可以形器也 形上之形是形之至輕清者無形之形也形下之形 明動之形不可以迹拘者也若形下之形乃始謂之 形矣鳥知此形字即乾灵中流行之行即中庸形著 此口有形有象者皆器是誤看形上之形為形器之

猶說道體至此則直謂之道不獨將道器打成两截 妙資氣以動故可以形而上又可以形而下也上文 大用也故子思遂以達道說在已發之後今既以陰 大本一邊無涉故子思曰率性之謂道性大本也道 形上之形便謂為器則下句為贅言其當知陰陽之 無形之形不可以迹拘故孔子遂有道器之分若以 是形之最重濁者有形之形也有形之形可以體求 并將道字分際亦錯看了葢道止在大用一邊原與

)

月りらずりした

來書所謂始終晦明奇偶之屬皆陰陽所以謂之器 偶之数而著中所總則太陰太陽少陰少陽其義固 等是陰陽乎非陰陽乎為有器者乎為有象者乎此 為有形有象之器矣請問始終晦明朝夕尊甲上下 陽為形下之器又曰有形有象者皆器則是認陰陽 而成見著之有形遂謂為器耳然者之所採雖有奇 始終晦明何器可言此中惟奇偶二字由大衍之數 不待辨而自明者也

多足匹库全書

交单拆亦但分别動静想像其道理合當如此即後 除少陽見於蓍中者有何形器可象即聖人擬為重 世聖人擬為連斷之形亦非有形器之可拘也予當 太陽而已缺却少陰少陽鳥能成卦夫太陰太陽少 為少陰少陽而已缺却太陰太陽將謂奇偶為太陰 卦之既成畫出重交单拆乃始有象其卦完何象乎 不過象陰陽之太少耳然奇偶止有二象將謂奇偶 有四種非直畫一奇偶而遂可以使卦體之成也即

銀行以伸全書 孝乃為道耳 獨其所以為是器之理如目之明耳之聰父之慈子之 聰明慈孝者予誠不知又將何者為所由以聰明慈 當以形迹求也 而見者也謂為道也誠當然聰明慈孝父有所由 既以聰明慈孝為道聰明由既用而見慈孝由有作 孝者也今既以道為形器之所以然又以聰明慈孝 謂易中卦爻皆是先天正謂着中之陰陽老少原不

1.10.0 1.L 道不可以形器相求乃顧以太極之動謂為有形有 者天地之性性也者人身之太極也人知發而為達 陽而牵入聰明慈孝與陰陽何涉言耳目而不言心 之與道一事而分體用者也性不可以明言子思但 象何熟子思不曰性之謂道而曰率性之謂道益性 分體用者耳性與道一心而分未發已發者耳太極 性宜乎其執陰陽為形器也太極之與陰陽一理而 問易到書列集 Ē

為道然則聰明慈孝即形器之所以然乎且止論陰

為本而道為用矣然而孔子固曰一陰一陽之謂道 **邀而充斤者也竟將道字占却性字地位則未知性** 器之理將謂陰陽以道為本乎如謂陰陽以道為本 謂之為中至於發而中節然後謂為達道則是道之 矣謂天地間有形無形之充周皆此陰陽之流溢故 乎不知陰陽即太極之動道則吾性之發陰陽之鼓 為言全在大用一邊明矣朱子謂形象皆點道為 則子思亦當以達道為本而未發之中又置之何地

都玩四月在書

米十三

陽能發太極之用故尊而重之謂之為道所以說 而為主者隱而不可知動而為用者顯而易見因陰 太極者太極静而陰陽動太極為主而陰陽為使静 太極比之道與陰陽皆在發用一邊陰陽之不同於 思曰君子之道費而隱是從大用之中見出不可思 謂陰陽為道而不謂為形器此斷不可誤解者也子 不可以形求即流行之太極發育之大道故也若以 維的道理正如就陰陽之中便含有太極相似然陰陽 引しり、出きりに

砂灰匹牌全書 醫為房室廬舍乎太極之隱若豆形器之譬若腐 斡旋妙用則斧鑿之力也指陰陽為形器亦可指斧 道也其中斡旋妙用全屬陰陽形上形下之形指用 照按太極體也即大本之性也形器用也即達道之 中事也 除一陽之謂道益凡言道者皆充周彌綸祭贊位育 而言也太極之譬若匠形器之譬若房室廬舍也其、 其發散凝聚則膏漿之力也指陰陽為形器亦可遂 卷十三 男子

或問朱子錯在甚處曰夫子形而上者謂之道與一 位分别不清則全部周易所言皆懵懂 形器也則所以能如此者何不取出一觀 生長滋息所以能如此者則陰陽之為也陰陽而果 則實由太極而生中間斡旋妙用全是陰陽此處地 拍膏漿為腐乎夫果粒之布於上也而生機勃然此 太極渾渾淪淪全無形質萬物則純乎氣質乃萬物 粒便是太極其後開花結實便是形器而其間之 一ついるかつり上

多灰匹库全書 下分之竟以道與有形之器相對今將道字與陰陽 下之器一語此朱子之所以見屈於陸子也 陰陽者出於無形之中運於有形之内中庸之言思 神是也謂鬼神不靈則又體物而不可離謂鬼神有一 莫非陰陽之用特器為頑質而道體虚靈故遂以上 對看便遺了形上二字且以陰陽作形器又侵了形 陰一陽之謂道此二語皆是言道而所以為道者只 在形上形下两形字發明陰陽之神用耳其道與器

曾無一處說看太極以陰陽從出之地不可得而言 從天尊地里說起此處從陰陽說起皆是兩樣中事 陰陽是太極之動即是充塞天地物事何當止在有 也周易中卦爻圖著四種俱從陰陽而始孔子之繫 形有器一邊故斷不可認為有形有器帶而不靈者 天地間皆陰陽而已 也然又不可認陰陽為形器者陰陽止太極之動而善

形則又即物以為體然而盈天地間皆鬼神實則盈

新定匹库全書 謂之道此形字便是端倪呈露意思道也者陰陽之 太極不可以形求陰陽即太極之動配之於乾則元 發太極之大用最靈最妙者無踰於陰陽故曰一陰 始即形則著之形也非有體質何有形器形而上者 之亨也聖人之釋亨也曰品物流形是端倪呈露之 陰陽者本於太極之動而旋用於四象八卦者也能 運者也故能充塞天地而不可以迹求也 陽之謂道 Ĭ

問無極之真與未發之中同否朱子曰無極之真是 始於無形之形終於有形之形莫非陰陽之為也 陽一邊是乾元之既亨太極之既生時也今以未發 離居中有形而無質是半氣半形者也是八卦之中 包動静而言未發之中只以静言煦按動静本在陰 伏羲先天圖皆陰陽之妙陰陽始於震異配則風雷 全以氣用者也終於艮紀配則山澤始以形成矣坎 大用充塞子宇宙者也器則滯而不通烏能充塞乎 司り到書川東

敬定四年全書 一 問伊川言静中須有物始得畢竟此物云何朱子曰 動静則太極之内不可以言無矣 太極本通書之誤而此言則尤謬者也何也既言包 動静者為太極則動静循環止說得流行一邊之事 動静者為無極則又分無極太極而二之矣如以包 而所謂無極之無又無處安著故以動静互根而言 不知子思之所謂中又何所指也如以中為太極包 之中為静然則人之為主於身中者竟無有太極誠 各十三

載語小莫破正充塞之大用而其所以然者則隱而 費則充塞天地者也隱則不可知者也下曰語大莫 道為充塞天地物事而其所以然者則隱而不可知 孔子一以背之正體用一如之說子思曰君子之道 得中字中也者動静之未形者也 也充塞天地則用之廣也其不可知者則體之微也 又是何物若知動静只在流行一邊則静字必說不 只太極也的按既以静時為太極誠不知包動静者 ! 月与与雪月晨

然則是床上安床屋上架屋矣亦不得專以暫處為 塞之物為形器之所以然而道之隱處又另有所以 謂陰陽為形器以道為形器之所以然則是道字占 旨正謂道之充塞難量而吾身之氣克與之配也今 言隱也孟子浩然之氣配義與道正與子思費字同 用隱處為體夫聖人一貫之道盡在四書六經離四 却隱字地位無以見通用之充塞而對矣如謂道為充 不可知也子貢曰夫子之言性與天道不可得聞益

金定匹库全書

儀四象八卦而後始達於用者明大用之實出於大 道之大用也其中妙用全屬两儀而兩儀緊靠太極 有而其出不窮不可名言不可圖畫者也其必由兩 太極者道之大本也兩儀四象八卦由此而漸分者 書六經而言聖道皆非聖道也 以為形上之事其但從兩儀起者太極之中一無所 又在四象八卦之先又能充於四象八卦之內故直 本而大本之實發為大用也文王開為六十四卦无 1 司易到替川東

赵定四庫全書 陰一陽止是兩儀邊事如何可作形器論 尊 里上下始終動静何非陰陽柳何形之可器乎 形無形而入之今有形之器固有陰陽而晝夜昏明 易俱從两儀而始代義之圖自兩儀畫起者也兩儀 太極渾淪靜涵不可得而言也故伏羲文王周公之 兩儀者太極之神非形所可拘也唯神也故能無有 不是說先天之旨故曰周易為傳道之書也今說 有一卦之往來不是說圖中之妙無有一卦之內外 卷十三

或疑除一獨無所象故謂除一為象太極夫天下有 泉乎 總歸陰陽故曰一陰一陽之謂道若不可知者安可 者也分二之前不可得而知也故後此無窮之大用 前不可知也周公之文自九六說起者也初文之所 泉之物乃始可象無象之太極亦何可象乎既曰分 自來不可得而言也孔子之大行自分而為二說起 之前不可畫也文王之易自就抻說起者也幹坤之 司易到替列集

敏定匹库全書 未分之策取而象之猶庶幾也大行之數五十其用 極之事也夫既有着之可見則有形矣有五十之可 言則有數美故孔子之言道器遂皆說在形邊曰形 四十有九其下不言太極便曰分而為二以象兩也 如必欲於大行之中求所以象太極者不若以五十 而為二矣一動一静獨非分乎一虚一實獨非分乎 以太極為陰陽形器之主宰非形所可象非數所可 紀也凡物之有形可象有數可紀皆兩儀之事非太 七十三 五 五 17

次已日本上的 對舉而互徵皆兩之義也益天地有敦化之太極有 或曰既稱為兩馬得非數曰兩非數也是匹對之 朋故兩也者相資有助之稱如天地山澤雷風水火 用數補出除一以象太極之語此似是而實非者也 不知孔子開口便從象兩說起初無取象太極之說 而上形而下自來不諳形器體用之分故於大行之 也獨陰獨陽不可以資生故坤义得乾然後謂為得 以其既有着數全然屬在形邊故也 周易函書別集 幸

金りでんん 精者固在兩後也此等境界辨别不精皆不達周易 萬物化生構精則萬物之太極也天地男女皆兩也 流行之太極而流行之太極非兩不成故孔子曰天 儀者太極亨動之靈機變化時物之主宰也故時有 正理如上所論則兩儀為形下之器矣而又非也 以意識解說如但以派行而論絪縕者固在兩前構 地絪縕萬物化醇絪縕則男女之太極也男女搆精 化醇搆精渾兩而為一皆太極也天地以前原不可 卷十三 两

大子 DIE MINIE 物而存不執物而有是形形不可以形拘始數而不 獨立之物不以數行故周公之命文也於兩儀初得 則形之形非形體之形也形言其纔露端倪而已故 可以數行者也孔子釋乾之亨謂為品物派形是誠 之文但名為初而不名為一是不可以數紀者也 即其亨動之機而謂之為流象其形之動也比之於 四兩無四物有萬兩無萬因時而見因時而變不離 則天命之命即保合太和之事故不可以形拘也 周易函書别集

敗按後之學者原不能輕置六經自為一學孔子係 朱陸此論原因辨無極而起朱子主張無極為最妙 足發太極之妙則是太極中原自具有此理又何必 六經以外照固不之從也即如朱子所論以無極為 **乾從元始孔子係易從太極始學者當以六經為主** 而不為之開諭來學乎伏養畫卦從太極始文王釋 易固曰易有太極矣太極之中果有無極孔子何憚 詹詹形諸論辨乎二先生於此亦少競矣

金月四月百量

久已日日 白 之旨也 其極至故名曰太極此語却是無弊此即大本發為 **贅以而太極三字則是朱子之意竟以孔子之謂太** 極者為有而言之乎大誤大誤故予曰不如存孔子 行而在五行即萬物而在萬物只是一箇理而已因 朱子曰太極非是别為一物即陰陽而在陰陽即五 曰無極者無形體無聲臭周子之語既以無極之下 朱子曰周子言無極而太極方見有無渾台之妙又 問易函書別集 至二

金与四月月月 得中庸發字然不若止言發與孟子止言性情為當 是仁義禮智信化生萬物是萬事此以動静陰陽為 達道不可謂達道中便無本也然物之一事亦不可 象之後所以係傳直謂為陽物陰物而孔子於乾坤 周易之卦以乾坤居首便在两儀之中便屬有形有 朱子又曰太極便是性動静陰陽是心金木水火土 於太極言之葢物物而不物於物也 心只言其性之動耳是謂心為妙於運動之物只配

とうこうらい たいから 然謂太陰太陽少陰少陽為實有形體則又不可 為形器益氧坤生物之物也器則有體而物於物矣 而兩儀未形之先必不能確指其所由以形之故如 太極之真虚靈之妙原不可以有無言也如以為有 朱子所以見屈於陸子也 以為無而兩儀四象實由此生故孔子但以為太極 两卦亦遂著有象傳然雖有形有象却又不可直謂 今觀揲着求卦之際擬為重交单拆之形則有象矣 周易函書別集 耋

金月四月至書 字於上其下緊連而太極三字總以象太極中虚而 指太極實有此陰陽之藴故周子病之加出無極二 我二字赞之而已後人把 做圖者已非其 古乃周子特 太也者尊上之稱極也者指其無以復加之妙而言 加無極二字於前又復立而為圖或因當時流傳竟 上無少實有如此止如解釋乾元無可稱說但用大 也此孔子會三聖之妙言兩儀未生以前其理之尊 能靈之妙耳然無之一字不可輕用者為其言無則 卷十三

極之至理豈有二乎朱子主張無極二字之妙不憚 不可以有無言也如使可以言有言無則孔子當己 繁言與陸子辨之者謂無極之說足以發太極中無 之矣况無下用一極字太下又用一極字是二極矣 極三字則已儼然與無極相對是指太極為有而命 必與有為對也况其上既言無極其下忽擺出而太 形質無聲臭無方體之妙其下合而太極三字共為 句因謂此語得有無混合之妙不知太極之體处!

次至日草全等

周易函書別集

者耳果如此則謂周子之圖是有無混合為不當矣 言之何俟後人之哓哓哉意謂無極而太極五字周 如謂前說無極其後方說出太極則不應太極之前 子合為一句正以無之一字發明太極之體為至虚 不可也况有两極之分宜陸子不肯屈服也大約聖 而虚故以無極二字發明至虚之妙則又目太極為 有是則合無極太極而論之分無極太極而論之皆 又有無極一層是打成兩截矣如謂太極之體為有

太極之說雖出於孔子然不自孔子始也伏羲之先 天一圖已園而虚其中矣文王之於乾卦已稱其元 人之論止宜存聖人之古不必添說意見可也

矣周公之九六已稱其初矣是皆欲人從陰陽既形 必不能有絲毫增加太極之中必不能容絲毫言說 之後因而上遡之以黙識其意而已矣故太極之上

次已日年 在的一人

以無微不悉豈猶有未盡之義可言而不之言俟諸

周易函書别集

蓋

如其可以言說自伏義至孔子經四聖之闡揚宜可

金万世是 台雪里 象之乎若其既已有着則有形矣既曰五十則有數 想不到語言說不出而顧可以有形有數之物從而 六字便非孔子之旨何也太極之真何等尊貴心思 也又云分而為二以象兩也後人添除一以象太極 義原本河洛二圖盡情畫出而太極則不可圖畫者 後儒之增設那此如一以實之只此一字聖人不之 矣有形有數之物又鳥可以象太極乎孔子止以分 解說曾子亦不之解說可以觀矣又如兩儀四象伏 卷十三

文と日日という **呴育萬物經綸天地成絕代之品語孟俱在可以觀** 主腦到得集學既成全是一團冲粹和平之氣故能 學者讀孔孟之書學孔孟之學先須識得大綱正其 由生乾坤之所由立九六之所以有初皆不能實証 止自乾坤始周公立爻止以九六為初而兩儀之所 其所以然俟諸一以貫之者之自領馬耳此聖人傳 心之最精最容者也言有無豈四聖人之古哉 二象兩言之亦如伏義畫圖止自兩儀始文王立卦 周易函書別集

有一馬不冲粹和平而些人指摘者乎益人皆可以 雖具泰山嚴嚴氣象要亦集義不動心之後持身之 矣論語一書莫詳於言仁是冲粹和平之本也孟子 政從性功上指出端倪故與顏子論仁止謂之復禮 為堯舜為其性善而已性命於天乾元初亨便屬太 和之保合繼善成性便為長人之善孔子諄諄言仁 正自然如此觀其酬對學者應接同僚私敬君長曾 而已復也者指其固有者而言之也學者取法孔孟

多万以及 有量

學者之所急無若格物致知宜格之物無若子臣弟 友宜致之知無若孝弟忠信此最切近而易求者也 復有言知其亢高不肯相下雖百千萬言無益也夫 無極太極與一貫相似縱極力分疏難為未當入室 於道器之分其為争競不已甚乎陸子二書之後不 觀朱陸往來之書陸稱朱為尊兄朱稱陸為老兄則 **必先變化氣質使暴戾全消冲粹可覩斯為得力今** 已不能有相下之情矣一以為理有未明一以為昧

人口日日十日日

周易函書別集

金いりじた 人のかん 者道矣今爾晓晓不休者誠不知義文周孔何以絕 為兩極乎為一極乎謂無極二字本止解說太極之 方體而太字之下用一極字無字之下又添一極字 能唯之曾子自當有妙契也 曾無一解贅於其後以為深造自得俟諸其人果得 無一言指明無極而孔子繁傳亦止標太極之說而 今觀無極之說即誠如朱子所言無形迹無聲臭無 妙則以無之一字作太極之註解係於太極之後猶

人子可見 白香 生生不息者又資何地以立其始也况其中用而字 勝為形器而陰陽則實非形器指道為陰陽之所以 實足以混有無該動静渾淪蘊籍猶有不可思議不 所用之極不蛇足乎若謂此極字不須着意理會則 之可也今顧加於太極之上太極而謂為極矣無下 可言說者存也今单指出無字不已偏乎即其指陰 又安用此極乎且於此處直謂為無吾不知後此之 ,轉已將無極太極打成兩截不若止存太極之說 周易函書别徒

金月四月月月 道謂道為陰陽之用也豈其未有陰陽而先有道乎 然而道實非陰陽之所以然此亦不足深辨但當以 學人不精察其論說不深究其得失徒道聽而塗說 為道豈其未形而遂謂為道乎子曰「陰」陽之謂 書今四五十年矣似於此理微有一見統俟髙明 候矣煎於弱稚時便樂玩太極圖及先儒言道理之 匪唯兩人之是非不明恐聖人之學亦終無闡明之 孔子之言証之子曰形而上者謂之道夫既形而始

र्राच्याचर राजन				2
周易函書別集				
1.				

周易函書别集卷十三					金グログルシャー
集業				·	
松十三					港十三
	į				

朱子曰後世之解經者有三 欽定四庫全書 天地無二易聖人無二道經世書全明易理非明易數 可為文人之經而况儒乎 禪者之經照按今之鮮經者止可云舉業經耳并不 周易函書别集卷十四 篝燈約吉 泛論易派 . 长十四 書別集 儒者之經一文人之經 禮部侍郎胡煦撰

數亦學太玄而別立筮法洪範亦準洛書之數無做太 露矣若聖人之言則温如而謁吉矣 語之似耳然其雕語鑿句刻劃形似其主角亦顯然呈 恐聖人不能有易外之道 太玄準洛書之數擬易而別立筮法洞極亦準洛書之 太玄唯易解之似耳所蘊之理非易蘊也文中子唯論 其以周易為占卜之書則淪于數而不之覺耳元包猶 不離乎易至于太玄洪範洞極潜虚皆易外之易也政

欽定四庫全書 取也元包因聖人之卦特其自立筮法不合聖人之道 與儼然自命為易者殊矣洪範但取洛書九數耳他何 潛虛擬河圖之數而為之者也然止名數而不名易當 、數可做而變易其制獨ハハ之卦無有做而變易其制 測故也甚矣易道之精深也 者以聖聖相傳之道即象而存卦爻寓義之精不易窺 **玄洞極而又別立筮法此皆全與易背者也然九九之** 1 たトコ書別集

清濁高下既有陰陽而陰陽之中又有剛柔太少如見 易之理無所不包故凡物苟具陰陽之義則皆可以起 鼓聲而知人語者要亦本聲音之母而籍數以識之也 溪等為少剛知徹等為少柔清精等為太剛曉霞等為 達于脣至并明而止此亦由中達外之義也蓋聲音之 卦則邵子獨契之妙也然三十六母從喉中出以次而 皇極經世書全論易理故與偽作者逈別至以聲音起 太柔之類邵子分別聲音終不能離此四等後世有因

飲定四車全書 義寓于卦中故大捷師其遺意遂定為干支二十二字 前知之妙總不離陰陽四象而已 者也尚存其義則鏡卜骨卜紫姑卜結羊腸莫不克與 卦三易之傳用著著具四象者也南蒯之叛季氏枚卜 焦京者易外之別傳有數而無理是全子究占者也然 而納干納支之妙皆有至理存馬解其義者即識干支 之所自起蓋義軒傳授雖無干支之名當必有干支之 之矣枚與蓍無異也及火珠林用錢矣錢亦具有四象 1、1周易玉書別集

占而永其傅乎要之精粗本末在聖人原自不分觀于 者忘粗故寄細微曲折之理于至粗至淺之中倮得藉 易卦之支干行于六爻而旺相休囚全憑日月後世術 書之數十是皆未能深知圖書之與也圖書之說當以 劉牧以下如李觏張行成朱震悉以為河圖之數九洛 文王周易尚存甲庚乙已之詞或亦開創聖人慮執精 邵子之言為正以其揆諸易理無往不合故耳 易而可以見矣

次定四車全書 · 八 說參之六經四子書無往不合然後知聖人無二道 後之儒者唯從周易得入始能參到聖人秘密處攧撲 然而支離甚矣惟六壬全憑日月而推精其義者猶可 家行而為壬乙禽逐其五行生尅之理皆由易卦出也 也宋之伊川先生得力于論語者也照得孟子性善之 不破宋唯康節先生近之漢之董江都從中庸得入者 知目前之事 改過 周易函書別集 四

其中之含蘊者定之速及發生遂不可易矣人生絕大 植嘉禾斯為得耳桃仁不能生杏杏仁不能生桃皆自 學如顏子夫子以不貳過稱之則顏子之有過可知過 過若朝培暮養不知剗除不知換了種子流為祭跖亦 殊也且心體至靈耳聞目見最易染着故人生不能無 事業俱從人心而起而善惡不能均一皆由其含藴者 損于人乎過而不改是為過矣 (學力未到邪妄偽欲無日無之要在換了種子培

たこりし 善分大小無兩善也惡分大小無兩惡也故善惡二端 前差錯之路 直去便至差錯到底忽然覺得纔回轉一步便絕非從 甚非也善惡無兩立之勢譬如行路人差了路途 過種子方始得益若使剗除不盡見聞觸動終須有前 復何難故人遷善改過必追尋到無極中戒懼慎獨换 **蘖發生之時故程子有見獵心喜之說** 人憚于改過謂從前之積累已多聖賢未必許我此 Audio : 周易函書别集 五 向

换過種子之法必如顏子非禮勿視四語方是復實工 必無并立之勢 金安口四月二十二 知换了種子又須知有涵養之說則孟子之集義是 卷十四

遍

土窠蠶蛹之作繭神龍之潛淵道人之煉已蓋此皆

如已死復生然後舊習方盡始能變化新機如與

てきうえ 庶幾可耳 是太和充溢到不知不覺發出來絕非舊種全是新機 换必如孟子集義之說逐漸集去集之既久滿腔中全 渾沌相似所由謂道為率之于性也夫無極中何能轉 人之改過遷善必追尋到無極中换了種子與家童之 未言習遠先言性近蒙以養正作聖之功正在此時故 渾沌時也故孔子于習說不移若既習矣将欲移之必 且拖泥帶水故有見獵心喜之事根本未盡剗除故耳 1.15 問易函書則集

任意逮其既覺則必将善悔悔而改斯善悔而不改是 子之過也如日月之食馬小人之過也必文若不為君 論語曰過則勿憚改又曰過而不改是為過矣又曰君 子之見而為小人之文耻于師人而不耻不若人究為 **吝也故周易善悔而惡吝悔則改過之先資吝則遂惡** 小人之歸也怨乎 人之有過或幼失教誨而誤于不知或隨俗委靡而失 不察或交不擇人而漬而漸深或心未熟思而率

多好四周方書

钦定四車全書 ~ 探天人合 後已之說也然知而能改者為過知而不改則為惡矣 之不貳是也過有知為過而不即改者此以待來年然 任者孔子之于昭公是也過有知為過而即改者顏子 過有不知其為過者曾子之受杖是也過有不得不自 /胎媒也 之學誠明合德體用兼該者也體之不立則無以 泛論學者 之原而用非其用用之不具則無以廣經 凡用易函書別集

道貴于藝偏全之不同等也行重于文虚實之不同倫 字未能全具也 學聖一當可為之時但以偏長小節自見恐于體用兩 綸參發之能而體非其體故有孔子之里乃始有孔子 則皆然聖道之貴作用亦可知矣聖人豈有無用之學 顏子未嘗用世而嘗問為邦孟子亦曰禹稷顏子易地 之作用有孔子之作用乃實以成孔子之聖後儒終日

不重 也君子貴其所貴不貴其所不貴重其所重不重其所

文字何益于實學功名急則文字重矣浮偽最足損真

修虚名勝則浮偽起矣

舉業盛而經學淺至于專家充塞宇宙則日下之勢難 返浮偽盛而實行衰至于矯情浪得聲譽則熱中之情

難消

何以去浮偽曰敦實行而已何以抑奔競曰無使有倖

欽定四車全書

人 日本書別集

競進者未必得議退者未必失也與人争勝人亦得而 暴長之木不祥踰分而驟超恐非所以善後 級皆務親馬懼力弗給也且非所以遺教 治家之道耕付奴織付婢而已總攬家政細至飲食餘 自平其情 席富厚之實而責人以貧賤自甘非平恕之論也况聚 致之功名而已 衣熟食概之錙銖用益朝歡暮宴之泥沙乎故君子貴

矣 也在一 钦定四庫全書 寧過寬無過刻寧過厚無過薄皆所以養此心之生氣 輕浮無當情事者也曾有一語有益于身心性命乎曾 勝之不與人爭勝人亦卒莫之勝矣 近氏之程材也寧大無小大而小用之去其有餘而 P 風俗之敞始于六朝今觀晉人 語有益于家國天下乎君子宜知所自擇矣 身則期順昌熾之徵在天下則太和盈溢之量 月易画書別集 /惟尚清譚大約皆巧捷

斂束絲毫不能矣庖人之于味也亦莫不然故君子贵 寧過儉無過奢 留其有餘 既斷而小之欲增益絲毫不得矣其關準而開之隙 敗之道也 (用竭而困敝斯不免矣馬力竭而踣覆斯不免矣故 不可滿弓滿則力不能支歌器滿則傾兵故滿者速 無大小而開擴之去其有餘而已既鑿而大矣欲

謙之 欽定四車全書 八 讓則彼此俱達豈惟人之便乎即我亦寬然有餘而莫 謙卦六爻皆吉損亦六爻皆吉謙以接人損以自修聖 利者也今試兩人遇于狹途如使彼此皆不相讓匪惟 不便于人即我亦停滯逼仄而莫由自舒如或彼此稍 何學不進 之情可見矣 八之于財利雖盈千累萬常 一卦夫子以為尊而光是忠恕之能事人已之兩 人一日 馬書別集 見其歉持此以勵學則

學問之道多取馬而人不之怨藏之于虚而封奪之無 集也者得之渐也富則可去可來之事學則一得而終 為貴人莫與之分也 術也財利之事多取馬而人以為貪顧之于實而美利 矣富之得也得諸外德之得也得諸已孟子謂為集義 之可艷也故君子多文以為富人莫與之爭也徳充以 有遲悞之悔 日驟得之富集斯美兵無一日驟成之德集斯聚

次足四車全書 路而生機以殘故殘刻寡恩多不利于其後 大不如意之事一觸于前必有甚難解釋之時然天下 身不復失矣 無難了之事但作過去想則何不釋於子思曰君子以 行求仁莫近馬恕也者適于仁之路也恕傷則求仁無 伺人之短摘人之瑕有傷于聖人之恕孟子曰强恕而 心導耳目小人以耳目導心 致知 周易玉書別集

知亦斷無可以捷得之知 其聰明有限雖以游夏親炙孔子亦斷無可以直指 窮理是入手工夫窮者盡也窮無弗 金りひせ 窮理久久自有會通此馴致之事非偶然之事也若 然且須向理上窮究 一妙學者不必盡然日致知之學何如日極力讀書細 "陽明致知格物之學然乎曰此陽明天資高邁獨 可以假借知之至則旁通四達無往不可倘未 卷十四 窮然後能探本窮

學為正如陽明之高超此顏子不違之時曾子既唯以 次定四東全 古今極天壤而融會貫通無所不解初非有外于亦子 之極功避其源頭則曾子之唯在是矣蓋凡人之知通 後之事非可妄其者也 問陽明良知之說何如曰此說極妙窮其究竟則致 窮則知之不致故致知窮理之說斷當守朱子之道 知也如初生之嬰孩一日二日便知飲乳便知視聽 引伸觸類故說卦篇曰窮理盡性以至于命理之不 周易函書別集 和

孰教之而使然哉後此博之于詩書益之以聞見以廣 陽明以為良知而大學亦遂以致知格物為進學 無星星之火種安得有燎原焼山之事哉故聖賢之 其識仍非加于飲乳聞見之知也譬之火種初止星星 金シロアノニ 點耳從而發之可以烹飲可以焚木可以燎原可 也 加丁童子之知特聖賢備而啓之愚夫室而塞之 山亦肆而烈矣乃遡其源頭從星星之火種而起 卷十 19 4

皆良知為主此固無所資于外也故仍無加于赤子之 矣夫闆户之不如開户也開户之不若太虚也此廣狹 矣聖人者不待見之聞之而無不通晚者道理之融會 大三日中と時 際之中未始無日光相及開其户則滿室皆日光所 **廣狹不同者格致之功也譬諸人生不見不聞之事不** 知也譬諸日光無微不燭此聖人之知也闔其户則罅 人之心共此良知聖人之知非有加于赤子之知也而 可以知知非其知之所本有也及見之聞之而知 周易函書別集 進

慎行忠信為此一智與勇鄉黨一章皆其事也曾子之 學問思辨為行皆其事也孟子之言最繁要如集義養 言最切實如格致誠正脩齊治平皆其事也子思之言 氣推恩擴充皆其事也終身為學得聖賢之一二語極 最髙明如戒懼慎獨脩道致中和子臣弟友行遠登髙 力行之說四子書言之詳矣孔子之言最平易如謹言 カ行

金岁口居台言

之異也然要非格致不為功故曰我非生而知之者

其後也前學習一說當亦足以表力行之義 篤好學而企前脩如宋之周程張朱邵陸諸儒明之陽 久已日月上島 利便私由此小人之尤踰分冒險必枉費心機故必仁 之不感勇者謂之不懼然見得明行得決如止是趨勢 凡事必見得極明行得極斷然後方能有成故智者謂 明敬軒整庵固自逈別其有因循懈惰偶而感觸則當 力行之畢生尚不能盡徒奉為虛語亦何益乎資性純 巴百人十已千又如孟子之集義擴充庶有其平 周易函書别集

做出此三語徹上徹下的人品皆是如此故孔子以為 資學者 的不至于聖人不能不各有所重故遂分出三 者然後能不憂聖人參贊位育絕大經濟皆從仁字中 金贝口眉石書 君子之道而朱子則以為學者之事也然三者雖若相 何後面如何前後如何貫串中間如何承接如何轉 八品如顏子之仁子貢之智子路之勇可以觀矣 種書讀過 讀書 一遍便須回頭著想此篇之前面如

如何照應應有者如何不應有者如何生枝如此回 たこの国とよう 古人之學由虚心而入故其徳日進令人不肯虚心只 我適當其時其經濟措施克如古人否然後古人之 某某當此其經濟又復何如然後将自身放在事中若 深皆可斷自己心即我他時遇事亦可措置無難 適當此時其經濟何如又将古人不相似者比之若今 数指自然道理融贯比書自然可久 八讀史鑑 段必先将古人相似者比之若令某古 周易函書別集 t 頔

中便是虚中 緒閱詩書皆務求立言本古從不偏執已見故于周易卦 金好四月石書 讀書不從能疑而入所得必不深 文凡具坎離之象者悉發虚中實中二義當知此箇實 讀書不知然互考正之法縱然有得必有超超不能貫 是不能虚心耳虚心猶且不能望進德難矣煦無日不 初讀書不必求博守定一經追求甚深甚與之理到得 卷十四

云父母 凡有一 細之事皆所當知故日知縣知州知府必先知之然後 所重問里閨閫愚婦亦子饑渴寒暖極鄙極褻至織至 既為親民之官則當視民如子凡風土之所宜人情之 周詳而調劑之如但知勢分崇高草榮安富而止何 官必有一官之利弊知其弊矣而彼此相沿未 登仕 處然後祭閥他經當無有不合者矣

火ビターとは

周易函書別集

大

主字解過然則今之據崇高勢分以為官者其皆無泰 任為自全之計而上無察考為之奈何 金安区及为言 親民之官無若府州縣然皆稱曰知非偶然也凡所管 之故有一不知可謂知府知州知縣乎如但以知字作 轄其中天時地理人情風俗 之決去者因循二字候之也又或以官為傳舍全仗因 知府知州知縣乎他若顧圖厚實又不足論已 知而猶謂為官也是為溺職不知而使人旁竊之是 一應利弊與革遷轉變動

宜使從俗又曰修其教不易其俗齊其政不易其宜 者尤當因地因時隨宜覺察皆不可不知也禮曰禮從 之方遠近多少之數之類風土如北地多車南地多舟 貴州雨廣東多濕近海多颶風之類地理如東西南北 天時如北地多風江湖間春夏水長而秋冬涸雲南風 是之謂慢溺職而愚而曠而慢也與不知何異 之謂愚知之而無以調劑之是之謂曠知之而故緩之 之類人情有此之所重彼之所輕此之所貴彼之所賤

次に日本人はから

周易函書别集

ŧ

後能為好官凡離任之官必更禁于初任之官然後始 效最易觀也當有生長于此土目想此土之弊以為如 施然亦不可太執曲禮云禮從宜使從俗因利乗便其 鱼与口人 凡初莅任必想到離任後此地之人相待作何光景然 此方可革除逮于易地而施乃多齟齬膠柱鼓瑟固難 可語權也 凡事豫則立将欲登仕便須打點所做何官宜何如設

幹 次ピの見とい 乃今 有不可不循之例有不可不更之弊必事事循例則才 妙處如陽明之求通民情願聞已過非聖賢中人不能 之身聽此一方之民指揮者也 可知必事事更張則妄誕可知 , 憚于求言各于改過豈知集衆思廣衆益有無窮 官非徒以此一方之民聽我驅使是将以我 而不恥不若人者也 恥于效人渺小之見人情風土質然罔辨是 周易函書别集

害不淺 終歳紡織纔成得一 必須用 錢穀刑名之外必須有 金灰巴匠人 以備惟正之供也一經官差呼喚舉而奉之差役尤恨 進文字照按刑名如此則必屈人萬 文公日令人言事欲論 一番至誠體察 疋布終歲春張緩養得 一事 一點至性流通雨腸寒燠之時 人皆先探上意如何方 上司貪汙則胎 一口猪將

常赴公堂言是非此猾士也奔競太甚則正業荒無矣 故子游獨取澹臺 故周禮持詳五聴 常入衙門作証見此奸民也言解可聽則是非清亂至 とこううべいう 皇者未得則早躬屈節既得則倨傲自於唯安富尊荣之 孔孟之栖栖皇皇有所以栖栖皇皇者也今之栖栖皇 石去其太甚者而已孟子曰仲尼不為已甚者於難之 即可以觀矣雜記中一張一弛亦是此義 周易函書別集

金好四人人生 能得即得矣始進不正能以正終乎 得其人衙才者之過也不安其分而奔競以求之未必 蘇瓊之對曹芝也曰設官求人非人求官夫有官而不 誠不知向之栖栖皇皇果何為也 **圖唯勢利顯赫之贵居可以有為之地曾無此字建白** 無所利雖生於天地猶虚也韓子之論佩膺久矣 人生天地間食天地生物以養其生於人無所濟於物

已荒而謀脈之莫若請之於朝動正項錢粮委才幹之

之價為所賣之價是荒地之粮與熟地之粮其價同矣 員行至豐收之地酌買之以車船運至荒地即以所買 とこうら こふう 秋成之後米穀之貴賤亦宜按省及時呈報則其省荒 **欲知臨荒轉移調劑之法則各省之雨腸皆宜按日月** 盤骨耳夫普天之下固未有千里二千里之外胥荒者 所賣之價仍可還都要其所耗不過車船之價及往来 呈報然後知某省苦雨某省苦旱可以為未雨之綢繆 周易五書列集

遣御史一員通省而查之庶乎可也 月而不能歸結者矣且有無故牵連多人而不能開釋 荡座者實多而官猶情情也且有雀角鼠牙每遅至數 詞訟在州縣或謂多差幹員自可了當此事不知傾家 州該縣各各設立農官俾得專司倉粮及省耕省斂之 歉某省权成亦可以施轉移之妙術預備之法莫若該 法在州縣則以佐貳無之在府則以佐貳總之在省則 以道員統領之或每歲遣御史一員分省而查或三年 卷十四

金岁四月全書

矣然此其畧也若使之期月三年其治效當復何如約 孔子攝行相事三月而魯國大治治效也而治法可想 というち たたう 顏子論東野畢之善 御曰善則善矣其馬 粉供謂求馬 帝王之大法恐社倉之行於一卿者那乎小也 其大端不越教養二途詳其節目不越禮樂刑政要皆 無意乎抑疏而不及察乎 者矣至縻累無辜之聚虚耗有用之民财為官長者獨 周易画書別集 Ē

窮則攫人窮則詐馬窮則供自古迄今未有能窮其下 鱼近四月 全書 張南軒先生知江陵安撫本路捕斬姦民之舍賊者令 子赦之煦按後人亦有學此法而用於兄弟者 魯有父子訟者孔子同狴執之三月不别其父請止孔 其黨得相捕告以除罪羣盗旨適去煦按除盗止有此 而能無危者也煦按此與為邦之問則顏子之政可知 不已定公善之曰可少進乎顏子曰臣聞鳥窮則啄獸 卷十四

·現處舟卒之病者脯茅山之龍禁竿結飛鳥其在晋邑 讀教者不善則為易置俗始甚野不知學先生擇子弟 校暇時親至召父老而與之語兒童所讀書親為正句 使無失所行旅出入其。途者疾病皆有所養諸鄉皆有 難相恤而姦偽無所容凡孙榮殘廢者青之親戚鄉黨 設立五保之政度鄉村遠近為五保使之力役相助患 程明道先生初政辨藏錢廢放光之石佛均田稅塞塘 シカンロニュー とうかの 之秀者聚而教之在位三年去邑總十年而服儒服者 周易玉書別集

至賤之物至官取之則其價翔湧先生常度所需使富 鱼玩口居有量 役役而亂先生開城門納之以其事上聞得不復遣至 辯事者不待持牒竟至庭下陳其所以河清卒本不當 城之民遂為精兵晋俗尚焚屍教諭禁止民皆信之欲入 界已稅常移近邊載往則道速就雜則價高先生擇富 家預儲定其價而出之富室不失倍息而貧民亦免苦 蓋數百人矣時河東財賦窘迫官所料買歲為民患雖 民之可任者預使購票邊郡而民費大省農隙講武晋 卷十四

使以挽舟為業且察為惡者自是邑無焚舟之患畿品 於河洪曹村先以小絕徐引大絕然後濟农以塞之又 とこうしょう 是惠澤始均鄰邑有冤訴府願得先生決之者前後五 除者皆頑民先生為約前科獲免者今必如期而足如 田賦重常蠲除以為惠然畏法先輸者皆良善逋負獲 取舟人物為事歲必焚舟十數以立威先生始至捕得 廣濟蔡河出縣境瀕河不逞之民不復治生業專以脇 人使引其類得數十人不復根治舊惡分地而處之 用易玉書別集

六有犯小盗者先生謂曰汝能改行吾薄汝罪盗叩首 金页四月 全書 願自新後數月復穿窬捕吏及門盗告其妻曰我與大 周易函書別集卷十四 盗今何面目見之耶遂自經煦按此等 以俗齊其政不與其宜故人便之耳 相事時無異真宋儒中懂見者然止是